

Attention à chés soucoupes

J' viens d' vir Batisse. I n'est pus arconéchape :
On diroét qu' sus s' tête, il o archu un ape.
I marche ralde comme un bonhomme mécanique
Ch'est à croire, in l' véyant, qu'il o ravalé s' chique.

J' Il dis : Quoè qu' ch'est qu' l'os ? Quoè qu' l' arrive ?
— Quoè qui m'arrive ! J' viens d' vir un Martien à l' dérive l...
— Un Martien ? Pas possipe ! T'os vu eune soucoupe, un cigare ?
— Ouè, ch'est à pelne creuyape, in plein su' l' plache ed la Gare.

Hier au soir, in rintrant à m' mason
Ej' voès tout d'in un cop, pa' d'avant ml, un espèc ed' champignon
Plein d' fu, aveuque tout autour edz étinches.
J'in trannoès jusqu'à mes bartelles.

V'lo un bonhomme qui déchint, arrive jusqu'à ml.
J'étoès décomposé, blanc comme del' mie

I' m'imbrasse, I' m' poche, I' m' tasse, I' roucoule,
I' s' frotte su ml, I' farfoule,
V'lo qu'autour ed mes gambes I s'inroule
J'avoès complèt'ment perdu la boule.

A toute lorché, I voloét m'inun'ner dins s' bazar.
J'em' débattoès comm' un diable, quand d'hasard
Ej' s'us queq'cosse ed' rond su s' potraîne...
Min Martien, énon, ch' ben ch'étoét eune Martienne.

J'al passé lo un drôle dé quart d'heure.
Jé n' souhaite à personne d'avoir eune parelle peur.
In rintrant en' femme alle dit : « T'os cor urfait des liennes.
— Non, qu'e'j' il dis. Ej' viens d' faire connaissance d'eune Martienne ! »

A' m'o ravisé d'un air putôt inquiet.
Al' a tassé m' tête, mis eune bouffotte à mes pieds.